

Բարեպաշտ վարդանի գաղափարական որդին, Տարօնի Հացեկաց գիւղացին, Մեծն Ներսէսի մաքուր հոգով ու շնչով դաստիարակված ժրջան աշակերտը, հելլէն, պարսիկ և ասորի լեզուների հմուտ լեզուագէտ ուսուցիչը, արքունի սլախտի գործավարութեան քաջ ղեկավար անմահ Մեսրոպը, այդ հայկական տառերի սրբազան հայրը արհամարհեց աշխարհային ամեն տեսակ փառք ու ճոխութիւն, հեռացաւ արքունի փարթամ կեանքից, թողեց արդիւնաւոր փափուկ պաշտօնը, հազաւ հոգևորականի սքեմ, քաջվեց Գողթան գաւառները և սկսեց իր առաքելական պաշտօնը. քարոզեց Աւետարանի փրկարար գաղափարը և սկսեց տարածել կոապաշտութեան մէջ թաղվածների շրջանում քրիստոնէութիւն:

Բայց ահա այդ ժամանակ սրբազան հայրը հանդիպում է խոշոր խոչընդոտների: Չը կար հայկական գիր, գրականութիւն. չը կար հայերէն գիրք: Կարդում էին օտարի գրքերը օտարի լեզուներով և շատերը իրանց կարդացածից բան չէին հասկանում: «Ուրեմն պէտք է գտնել հայկական տառեր, ունենալ հայերէն գրքեր» մտածում էր ս. Մեսրոպ և այս մտքերով գիշեր-ցերեկ մաշվում էր: Մտածմունքների հետ սկսեց գործ: Սրբազան գործիս մասնակցեցին ժամանակակից Վրամշապուհ թագաւորը, ս. Սահակ կաթողիկոսը, հրապարակ եկան գործին օգնելու հայր Աբէլը, Իանիէլ եպիսկոպոսը, Վահրիճը և ուրիշները:

Այս բոլորի ջանքերը ապարդիւն անցան և յետ քաջվեցին գործից, իսկ ս. Մեսրոպը դարձեալ չը յուսահատվեց, պանդխտութեան գաւազանը ձեռք առաւ և իր սիրեցեալ աշակերտների հետ սկսեց մի երկարատև մաշող ճանապարհորդութիւն:

Մտաւ Եդեսիա, բաղխեց ճարտասան Պղատօնի, Հոռփանոսի դռները, գնաց Փիւնիկէ, անցաւ Սամոս, բայց և այնպէս այդ բոլորը ի դուր անցան: Մեսրոպը յոյսը կտրած մարդկանցից՝ վերջին յուսահատութեան մէջ դիմեց Արարչի օգնութեան և խորասուզվեց ջերմեռանգ աղօթքների մէջ: Ահա այդ ժամանակ աջ ձեռքի մի թաթ գրեց վէճի վրա հայկական տառերը: Վերակենդանացաւ հայրենասէր հայրը և 405 թ. հայկական տառերը ձեռին մտաւ Հայաստան: Այդ օրը փառաւոր տօներ և փառաւոր ուրախութիւն սարքեցին:

Այդ օրվանից մինչև 1443 թ. տպարան չը կար: Գրքերը գրում էին տաժանելի աշխատութիւններով:

Ահա հրապարակ եկաւ երկրորդ մեծ բարերարը՝ գերմանացի Յովհաննէս Գուտաեմբերգը և հնարեց շարժական տառեր, ստեղծեց տպագրութիւնը և հեշտացրեց գրականութեան ծաղկելը:

Կեցցէ՛ ս. Մեսրոպը, կեցցէ՛ Գուտաեմբերգը: Իրանք մարդկութեան համար անմահ դէմքեր են և յաւիտեանս յաւիտենից անմահ կը մնան:

Հայր Մեսրոպ, քանի երկինք և երկիր կայ, քանի արեգակը և լուսինը կատարում են իրանց շրջանառութիւնը, դու մեր սրբտեղում անմահ պիտի մնաս: Սերնդէ սե-

բունդ քո գերեզմանի ուխտաւորները ան-  
պակաս պիտի լինեն:

Ես որպէս Կարսի քաղաքային դպրոցի  
ուսուցիչ՝ իմ աշակերտներով սլանում  
եմ մտքով ու հոգով դէպի Օշական, համբու-  
րում ս. Մեսրոպի գերեզմանը և ող-  
ջունում ենք այս համազգային մեծ յօբե-  
լեանը՝ և աշակերտներից կօպէկ-կօպէկ հա-  
ւաքած 10 բուրլի, որպէս աշակերտական  
սրտարուխ, նուէր գցում եմ դպրոցական  
Փօնդի գանձանակը:

Սարիբէգ Տէր-Մելքիսեղեկեան

Կ ար ս